

欽定剿平三省邪匪方略

正編

二〇



—
—

欽定剿平三省邪匪方略正編卷一百五十五

辛酉年

五月初十日

乙酉

長齡明亮奏言竊

臣

長齡前次

會同叅贊德楞泰追剿徐逆等股賊匪至陝楚

邊界洵陽白河地方德楞泰即跟剿徐逆等股

入陝探得已至洵陽屬之大小金河該匪等向

西北逃竄維時黃白二號賊匪張萬林王峒賢

等東竄鄖屬之鮑家店希圖搶渡黃龍灘闌入

均穀 臣長齡會同總兵德昌抄覓捷徑取道吉

陽關左吉關等處星夜趕至規池抄出賊前接

據鄖縣高賜禧稟報賊匪由紅石河陳家莊竄

至黃龍灘渡口 臣長齡帶領馬隊星馳攔截賊

探遙望官兵到來飛奔折回黃土嶺竄至大小

文峪河我兵卽由劉家河蛟龍觀兼程追擊沿

途日有俘馘差探該匪去向並據獲賊供稱賊

匪必由管家河南竄保豐臣長齡卽覓捷徑由

楊家牌樓三汊河等處截擊賊匪卽由西南楓

香壩旁竄二十四日哨探賊匪在太平寨一帶

屯紮相隔營盤三十餘里臣長齡當卽督率馬

步官兵連夜進發至太平寨時賊匪業已聞信

拔營前竄我兵追至五十餘里之檀口趕上賊

匪後隊賊匪躡過溪河搶仙山梁合成大隊憑

高下壓臣長齡察看山勢陡險非仰攻可以破

敵必須分道抄截以分其勢當令德昌帶領叅將德興遊擊承祿都司高承堯等由右手抄至

山腰臣長齡督率巴圖魯侍衛雙福叅將曹星

遊擊胥泗起等由左手搶上山梁賊匪分投抗

拒經馬步官兵斃賊一百餘名步賊先逃馬賊

旋撤旋走都司王占鰲千總王元相陳天受張

大勲外委陳南山等首先下壓後隊官兵接踵

爭先追殺三十餘里至趙家河一路殺斃賊匪

三百餘名生擒二百二十八名沿途拋棄並搶

獲刀矛鳥鎗三百餘件騾馬一百三十六頭匹

當卽分給出力兵勇並旗幟二十六面內有六

旗三桿上書張萬林字樣賊衆潰竄二級溝泥

灣一帶時已向晚官兵已窮追一百三十餘里

當令暫歇提訊獲犯余國富等供稱賊營有黃
白二號黃號元帥張萬林約有一千四五百人
白號元帥王桐賢還有一元帥名張登堂亦有
一千餘人黃白二號元帥都是襄陽人從陝西
過來聞得楊開甲餘黨在房縣南山裏所以來
尋他們合夥就可往襄陽一帶擄掠今日白號
元帥張登堂收後馬兵追來我看見伊膀上帶

受鎗傷矛子手就將伊擡走並指認屍軀內偽
軍師王貴偽先鋒齊士傑陳福等三名當令獲
犯分別指認衆供相同除將從賊日久余峒富
等五十三名槩行正法附近被擄者一百二十
四名就近傳集各寨首領保釋外其餘五十四
名解交竹山縣范繼昌妥爲分別辦理二十六
日官兵儘力窮追沿途從兩旁翻山逃散者不

計其數差探該匪去向由瓦房河廟坪一帶遁
去查該處東通上龕柏木壽陽西北可走獅子

岩蒙古寺均係房保大路復探得孫清元所追
之白號趙鑑崔宗和一股賊匪翻馬鬃嶺前來

相距不遠臣長齡飛卽知會孫清元等互相逼

剿以期聚而殲旃臣長齡趕卽抄赴獐洛河攔

截兩路東竄之賊是晚探得黃白股匪屯紮扁

担溝孫清元所追之賊在柳林店兩股賊匪業

已合夥臣長齡因賊匪一得官兵信息飛奔捷

竄未能痛加殲洗是夜將官兵伏藏山坳臣長

齡會同鎮臣德昌帶領侍衛雙福叅將曹星遊

擊胥泗起都司王占鰲叅領卓祿等地帶官兵

二千餘名至四更時發兵翻過兩重大山遙望

賊匪尙屯紮大壩未動我兵乘其不備分路下

壓中間地勢稍平馬隊衝殺賊衆爬山四竄官

兵乘勢衝擊共殺賊匪三百餘名生擒一百六

十四名賊衆翻山越澗向西南遁走三十餘里

適孫清元同副都統職銜總管托爾托保副將

吉林泰等由向家壩緊蹙前來行至銅魚峽卽

截住賊隊因路徑險狹賊匪負嵎抵拒孫清元

等督率馬步官兵步行鉅攻賊匪滾石如雨副

先鋒叅領喜常阿颺受石傷兵勇內亦有受傷者托爾托保侍衛常祿黑龍江營長世襲三等男徹布登等帶領吉林黑龍江官兵搶上山梁登時斃賊七八十名賊匪四散奔逃我兵盡力窮追二十餘里已抵楊家店沿途共斃賊四百餘人生擒活賊及逃出男婦共四百二十七名口搶獲器械旗幟騾馬甚多是夜探得該匪燃

執火把翻越老林均向西南大山羅漢碕九道

梁一帶逃遁臣長齡等亦趕至楊家店與孫清

元等會合查訊獲犯蕭岡鳳供稱此股賊匪係

戴家營元帥戴老二還有崔宗和胡名元趙鑑

三元帥聽說楊開甲在內並未見過只見他營

內新元帥名陳國珠兩營不過二三千人想過

州省恐不能得食復回向家壩要往房縣襄陽

不料被官兵殺死甚多並認出楊開甲營內已
死探馬頭康允貴李販子等臣長齡查訊所獲

之賊與前供情跡相符除將川陝積賊蕭剛鳳
等三百三十四名一併正法其餘鄭元賢等三
百五十七名口發交同知王世勳阿霖分別遠
近酌給盤費交各該縣妥爲安插臣等公同熟

商臣長齡前奉

諭旨暫署督篆維時正值賊匪東竄截剿緊急之際

勢難留顧今已將該匪等逼歸一路盡向南山

奔逃臣長齡將所帶官兵暫交孫清元德昌分

爲兩路自東北向西南進擊囑令趁此賊匪合

竄之時務期趕緊殄滅臣長齡輕裝減從於初

二日遵

旨回至房縣接印任事趕緊嚴催糧餉設法取路供

運兩路軍營頃據襄陽縣稟報撫臣全保日內

可到襄陽倭什布定於初三日起程回襄交代

臣

長齡卽暫住房縣辦理糧餉督飭該管道府

設法供運

臣

明亮前准德楞泰知會派在豐溪

駐紮以防龍逆折回之路嗣因該匪離楚較遠

二十二日又准德楞泰派調帶兵馳赴竹谿向

關壩扼截賊匪折竄楚境

臣

明亮隨卽取道康

家坪八卦廟兼程前進二十三日行抵憑家營
探知龍逆皆在八卦廟屯紮賊探已至曾家壩
二十四日四鼓趕至曾家壩詎該匪已聞風先
遁竄合大隊卽催官兵趕緊追逐馳抵八卦廟
據哨探與寨民稟稱賊匪聞官兵驟至已遁入
安康屬之磚坪離楚較遠當卽於陝楚交界適

中扼要之地相機堵剿不使賊匪乘間闖入設

或孫清元德昌所追之賊向西奔竄臣明亮迎

探扼截以冀兩面夾擊連次打仗兵勇間有傷

亡容再查明咨部辦理

同日湖北巡撫全保奏言竊臣仰承

恩命畀任楚北封圻當於四月十八日自濟南起程

本月初二日入楚境抵襄陽府城沿途查看民

情極爲寧貼當據襄陽道依精阿襄陽府張瑤

稟稱各股竄匪內徐添德樊人傑等一股經德
楞秦等剿擊已入陝境白河縣地界現在跟蹤
緊追其龍苟等股經長齡明亮等截剿竄出楚
境龍紹周一股現在陝境平利地方游奕苟文
明一股現竄大寧北境長齡帶兵在竹山西北
一帶攔截洵陽白河零匪明亮孫清元等帶兵
在竹谿之豐谿等處往來防擊西南川陝兩路

肆竄之賊查各賊股敗逃出境房縣本爲適中

之地此時楚境寧謐自應以二竹防堵爲重倭

什布現在房縣堵禦巡撫關防尙未送到臣於

初三日在襄料理軍裝等項卽於初四日起行

由南漳保康取道房縣接篆任事由彼相機馳

抵二竹一帶會晤長齡明亮等熟商堵擊之法

伏念官兵堵剿兼重而賊蹤出沒不時刻下楚

境雖已肅清西南川陝毗連之處山雜路歧處
處可通恐其乘間闖入是目下情形誠不可恃
楚境現有兵力分布必須聯絡聲勢合剿則以
扼要爲急一切揆度地勢賊情籌畫大局必得
身經布置方能瞭然於心用收實效均奏入

上命軍機大臣傳諭吳熊光全保長齡明亮曰前據
德楞泰等奏楚境業已肅清伊卽帶領官兵緊蹶

徐樊二逆入陝剿辦何以長齡等摺內又稱有賊

匪張萬林王峒賢及趙鑑崔宗和等股想卽係從

陝省洵陽竄入一二竹之不知姓名股匪又摺內稱

賊匪中有楊開甲在內之語楊開甲早經殲斃何

以此時又有該匪在內想係賊夥中假托冒名並

非實有其人今長齡孫清元等分投剿殺先後斬

獲一千餘人並將餘匪逼歸一路向西南大山一

帶逃遁所辦尙好長齡因暫署督篆將所帶官兵
交孫清元等分路進剿伊卽回至房縣接印任事
現在該匪盡向南山逃竄帶兵大員僅有明亮孫
清元二人在彼剿捕明亮年老有疾究恐不能四
面兜合此時全保已抵房縣吳熊光諒亦卽可到
楚長齡所署督篆如吳熊光已到卽可徑行交卸
或少需時日全保係湖北巡撫現亦馳赴二竹長

齡卽可將總督印務暫交全保接管長齡仍應馳
赴南山一帶會同明亮孫清元等將賊匪卽在該
處剿淨勿令再行竄出平地致有蔓延至長齡回
至房縣卽以趕緊嚴催糧餉爲首務昨據額勒登
保奏稱德楞額奏札稱楚省派出防堵官兵竟不發
給糧餉以致官兵搶掠糧食並詢之孫清元亦已
承認實有擾累百姓之事楚省糧餉於孫清元一

路旣供支有缺豈長齡明亮兩路獨能源源接濟
乎長齡明亮等所帶官兵在外擾累恐亦事所不
免朕於川陝楚三省軍需同深厯念往往不待伊
等奏請酌量緩急撥餉接應計上年至今楚省餉
銀已發去一百七十萬兩何以尙不敷用轉行掣
肘是否辦理糧運各員通同侵冒分肥入已或係
辦理漫無章程致有貽悞倘以道路險阻轉運維

艱爲詞則川陝山逕險峻道路綿長賊匪東奔西

竄迄無定所該省隨處供給從未稍有缺乏遲悞

今楚省糧運供應不過近在二竹房縣均穀等處

何至不能接濟以致數月未經給發必須徹底根

查長齡受朕厚恩帶兵未及一年卽授爲提督伊

在楚省於糧餉貽悞情形從前未能查出叅奏朕

亦不加責備此時維當與吳熊光全保秉公究辦

固不可稍有屈抑尤不容代爲狗隱

十一日丙戌長麟奏言臣接據探報高二餘匪於

二十四日竄至栗子園相距秦州九十里臣卽

於是日趕至秦州迎頭堵截該匪不能北竄於

二十五六等日由麻沿河竄至曬經寺據逃出

難民供稱該匪等欲由西和竄赴馬塢查馬塢

西通岷州可入川省卽係高二馬五去歲竄川

之路臣卽於二十六日趕至西和禮縣適中之

石包城地方迎頭截攔該匪未能竄過又折向

成縣一帶適遇道員朱爾漢副將齊郎阿帶兵

在成縣防堵與賊接仗擊斃賊匪七名墜崖跌

斃賊匪五名該匪折回山內繞出小川子向西

奔竄係通階州文縣之路臣卽於二十八日趕

至大船壩截攔該匪折回東奔繞赴土河坪查

土河坪順河東竄卽係白水江與陝省畧陽縣

屬之烟洞溝地方相接查烟洞溝山勢險峻僅

有一線小路且山下溝岔紛歧又係片段老林

賊匪一見官兵追至卽先搶上關家山梁官兵

緊躡追上山梁殺賊三十餘人將賊匪壓下賊

匪順溝逃跑官兵跟追下溝賊匪折回抗拒官

兵又斃賊四十餘名賊匪又搶黃家溝山梁官



兵亦卽追上山梁又斃賊二十餘名賊匪敗竄
下山官兵自上壓下賊匪四散竄入老林官兵
又於林內搜斬賊匪二十八名餘匪卽向吳家
營一帶潛逸時天色已晚且前途路窄林多官
兵只得暫行紮住臣卽於初四日帶兵追剿前
進至此次打仗軍功千把及兵勇等亦有傷亡
容俟查明另行報部奏入

上命軍機大臣傳諭長麟曰高二餘匪敗竄入甘經
長麟在大船壩迎頭攔截並在畧陽縣屬之烟洞
溝趕上接仗雖殲斃賊匪止百餘名已將餘匪逼
回畧陽吳家營一帶不使深入甘境所辦尙妥畧
陽地方與川省相近倘高二餘匪因逼剿緊急竄
往川境長麟卽當令蕭福祿帶兵前往川省追剿
若由畧陽竄赴漢南則西鄉一帶現有經畧額勒

登保一路勁兵在彼蕭福祿帶兵緊躡跟剿兩面
夾擊更可易於集事但斷不可令其折回甘境尤
不可令其竄往棧東或致闖入南山前已有旨令
長麟專辦地方事務該督當遵照前旨將所帶兵
勇交與蕭福祿接管長麟即可馳回辦理地方事
件也

十三日戊子姜晟奏言臣欽奉

諭旨令將湖北辦理糧餉因何貽悞情節據實明白
迴奏伏查軍營以糧餉爲先我

皇上厯念軍務一日未竣黎民一日不寧臣上年赴

楚三月初行抵襄陽卽將楚省辦理糧餉情形

向襄陽局道府詳悉考核查軍營需餉之多寡

總以兵勇多寡爲大端上年三月以後明亮倭
什布與孫清元分爲兩營所帶剿匪兵勇均於

嗣於六月初間增添兩粵官兵三千五百名吉
林馬隊四百名每月需餉較增迨八九月後倭
什布長齡各另立一營除兵丁卽在原數中分
出不計外其新添吉林等處勁旅一千名及兩
營文武官員支項并夫騾需費通計每月兵勇
鹽菜及長夫長騾雇價并大小文武官弁飯食
月費等項前後牽算每月總在十萬兩以內

上年經理餉項蒙

皇上不待奏請節次動撥部協各餉計十一月以前

已有九十二萬兩尚有

臣

借支湖南等處庫項

二十萬兩除襄陽局存製軍械雇用騾頭各項

用費外計四月初截至年底止十個月內實解

各軍營餉銀一百零三萬兩似不至短缺兵勇

鹽銀至兵糧一項楚省於嘉慶四年奏准截漕

二萬石由荆江運襄轉解鄖陽以供房竹一帶
防邊兵勇月需口糧其軍營行駐處所總在襄
鄖安陸荆門各府州所屬地方各州縣俱存糧

預備就近供支如存米無多卽詳請採買並詳
請碾穀備供前經襄局議飭各該地方有將存
米分寄要路居民小寨以備緩急之需上年夏
間明亮軍營往返房縣遠安鍾祥南漳等處頗

得其濟且上年五月陝省咨商協助因楚北糧
尙充裕曾共撥往米一萬二千石其襄陽解運
鄭局軍米自九月至十二月計共一萬八千七
百六十石十二月內書麟又奏借陝米一萬石
以一萬五千人每日每人升米核計可敷半載
有餘之用嗣據湖北藩司孫玉庭本年二月十
一日具詳約計已經運送襄陽及委員等催運

截漕之米共有六萬二千餘石源源接濟亦似

可無虞缺乏臣查糧餉二項各軍營俱有糧員

同知州縣等經管收放並有總理道府督查而

領兵大帥亦無難不時考核均可隨事嚴辦今

原奏所稱官兵勒索百姓搶掠糧食而鄉勇竟

有裝匪執械藉以搶物等情臣前在襄陽曾聞

一二竹鄉勇素稱勇往其意在殺賊得勝圖得賊

營資重分賞給領近來賊營窮乏擲勇無物可

圖難保無擾及居民情事

臣

自恨不能經籌叅

佐每一循省惴慄無地若軍營司事之員侵扣
貽悞稍有見聞豈肯稍事姑容不卽立予劾叅

上負

委任重恩伏惟

聖鑒

同日吳熊光奏言竊臣於四月二十八日自豫

起身旋接湖北撫臣全保來信定於本月初四

日前往房縣臣因聞賊匪已經叅贊德楞泰追

剿出境而地方糧餉一切必須與撫臣面商隨

飛札全保囑其在襄畧爲等候臣兼程行走於

本月初四日趕抵襄陽公同晤商目下賊匪尚

奔竄無定且現據探報又有剿敗餘匪竄近竹

山之鐵峪河一帶長齡等已帶兵繞道兜截自
可無慮其東趨房縣爲二竹後路該處安設官
兵雖倭什布尙在彼駐劄但已解任全保自應
前往接管已於初六日起身趕往至襄陽爲軍
需總滙之地凡應用軍火軍餉皆由襄分路運
送必須就近查明核定章程方能遵辦無悞是
以_臣暫留襄陽將一切應辦事件趕緊清釐俟

續探賊情如有須臣親往之處立即馳往督辦

再臣昨到襄陽卽調查該局收支細數自本年

正月起經前任督臣書麟等於上年用存銀二

萬餘兩外已動撥司庫銀八十萬兩截留漕米

五萬九千餘石臣一抵樊城卽詢之豫省防江

文武僉稱數月以來見鄖襄沿江一帶楚省運

米船隻實屬絡繹不絕連日復留心密訪前年

德楞泰帶兵入楚維時正值大雨時行楚省軍糧原未能源源接濟此次經書麟預爲調撥尚屬有備祇緣米石存貯各州縣大兵倉猝入境中隔賊匪不便迎頭運送迨於竹山支給後賊又南竄興山一帶皆係崇山峻嶺且距襄陽遙遠復改宜昌暨保康水陸分運兵行迅速遂至緩不濟急是倭什布於南路糧運未能先事預

籌以致遲悞其是否任意延玩及承辦各員運
送糧石有無短少情弊容臣再詳細確查斷不
敢稍涉瞻徇再襄陽軍需局所貯餉銀截至四
月底僅存八萬餘兩荷蒙

賞撥廣東餉銀二十萬兩到楚尙需時日且借動司
庫之項亦須歸還以資經費其兩淮鹽課銀三
十萬兩曾經疊次飛催尙未得有解到豫境之

信臣前在河南起身時與撫臣顏檢通盤計算

豫省除留備兵餉河工各用外可以撥出銀十

五萬兩已令解赴南陽府庫存貯備撥又撫臣

全保告知伊在山東起身時曾與惠齡商酌東

省藩庫內捐監及雜款銀亦可奏撥十五萬兩

目下楚境賊匪尚未淨盡且指日大功告竣善

後事務正繁亦不得不寬爲籌備仰懇

皇上天恩再就近於河南山東兩省各

賞撥銀十五萬兩解楚備用臣等惟有隨時嚴查摺

節支給斷不敢任令絲毫冒濫

同日長齡奏言竊臣前奉

諭旨暫署督篆因倭什布卽須赴京新任撫臣全保

尙未來楚後路急需料理臣將所帶官兵暫交

孫清元等分路剿辦臣卽輕騎回至房縣接印

任事連日接孫清元等來信黃白股匪經前次

剿敗之後亡命奔逃其勢俱向西南屢獲探信

賊匪及逃出被裹難民僉供各股匪徒實因川

陝年成荒歉難以掠食總想折回楚省又據竹

山竹谿兩縣稟報叅贊德楞泰剿散青黃號各

股匪及前次逃向川省之苟逆等均復折回沿

邊各卡衝撲意圖竄入楚省現在加意嚴防

臣

查湖北附近各縣一二麥豐稔現在平地水田急

須栽插而山地亦當趕種雜糧包穀等項正在

農忙之際月來晴雨應時正可望秋成大有此

時川陝二省年成稍歉全賴楚省有餘以資隣

境之不足刻下情形尤關緊要再查經畧額勒

登保已赴甘省剿辦冉學勝股匪叅贊德楞泰

緊追徐逆離楚已遠陝省漢南一帶只有慶溥

喜明等兵力較單地方遼濶恐難堵截各股匪徒難保不向楚省窺伺昨據德楞泰來咨以楚省邊界綿長兵分見單飭令明亮會合總兵德

昌作爲一路於竹山竹谿邊界外探明剿堵

臣

會合孫清元等作爲一路於房縣之上龕一帶

相機剿辦業經遵辦在案

臣

不敢以暫署總督

稍圖安逸仍於初六日輕騎趕上孫清元等熟

商籌辦務將在境賊匪設法上緊剿盡至現在
糧餉自今春書麟接辦以來仍有不能接濟之
處是非糧運之短缺實因辦理之不善刻下各
逆總在深山老林躲避兵到之處相離縣城近
則三四百里遠則六七百里卽州縣存有糧餉
遠莫能致且賊已在境內東奔西竄勢所不免
賊匪在前官兵在後鄉民易於驚慌糧運無從

運送是糧運之法全在平時之籌辦不在臨期
之運供月前德楞泰在楚曾與_臣等熟爲籌議
以竹谿竹山二縣作爲一段房縣保康作爲一
段興山巴東作爲一段分派該管道府每段一
員自行揀帶佐雜二三員督率該地方官查看
山內賊匪往來常竄之區於賊匪未到之時預
爲撥貯寨洞兵到之時就近運送如果辦理妥

善卽該道府之功績遇便保擢如有缺悞卽將
該道府從重叅辦如此明示賞罰責有專司自
可無虞貽悞臣現在惟有仍照此法辦理查興

巴一帶荆宜施道所屬卽以該管道崔龍見專

司經理房縣保康係安襄鄖道所屬卽飭該管

道依精阿專司經理竹山竹谿本係鄖陽府所

屬卽飭該管知府王正當專司經理如有貽悞

惟該道府是問臣業已調集各道府面爲指示

務須實心經理並札飭藩司孫玉庭隨時籌運

似可無虞缺悞再查各營兵丁積欠臣自上年

冬底自陝回楚統領明亮所帶官兵卽據將領

稟稱積欠兵餉已至七萬數千兩之多孫清元

營盤亦有五六萬之多當經咨明倭什布查辦

並經書麟奏明推原其故總因辦理後路者並

未預計月需之多寡但知發銀之數目又未能
按月運送以致前支後缺官兵日日追賊斷無
紮營請餉之理日復一日愈形牽扯此官兵積
欠餉項之原委也查安襄鄖道依精阿總理最
久責有專司臣現在嚴飭該道前赴各營盤督
率糧員逐一清理如敢再有延挨或經手各員
從中稍有侵蝕之處自當徹底根究據實叅奏

萬不敢稍有瞻徇均奏入

上命軍機大臣傳諭吳熊光全保曰吳熊光奏稱楚

省米石存貯各州縣其興山一帶皆係崇山峻嶺

改由宜昌保康水陸分運兵行迅速遂致緩不濟

急此係實情京中亦知但陝西四川等密山深路

多險峻較楚更甚所有糧餉隨處供支並未缺乏

楚省如鄖陽一帶地方朕詢之內外臣工僉稱該

處山路尙可開墾不致十分艱險何至運送糧石不能源源接濟總因地方官辦理不善所致本日長齡奏到摺內稱湖北附邊各縣二麥豐稔民間俱有蓋藏楚省麥秋成熟間閭生計自見充饒此時川陝二省年成稍歉不及楚北而辦理軍需毫無貽悞該省本係產米之鄉又得豐收年歲且節次發去餉銀極爲寬裕何以尚不敷用又據長齡

奏將二竹等處分段派委道府各員將糧石預爲撥貯就近供運運糧之法全在平時籌備該省自軍興以來早應如此辦理何以從前並未籌及致糧運不繼必係各員不能妥爲經理甚或有侵冒分肥之事又姜晟覆奏上年辦理楚省糧餉各軍營均有備貯不致缺乏二竹鄉勇因近來賊衆窮乏無物可圖難保無擾及居民各情節姜晟前在

襄陽督辦糧務是否尚無貽悞抑係姜晟卸事以
後倭什布接辦未能妥協日前倭什布曾經奏過
竹山竹谿分撥糧運繞道冒險運送猝遇賊匪糧
多搶失又房縣撥發軍糧至上龕等處亦被賊匪
衝殺以致到營之糧未能足數該處糧餉僅被賊
匪搶失二次何至軍中卽見乏食其被搶糧石實
數若干並兵勇等擾及居民究係何人任內之事

何以從未據奏及吳熊光全保惟當遵照前旨逐
一詳查據實叅奏毋稍徇隱至所請於河南山東
各撥銀十五萬兩就近解楚一節已另降旨諭令
豫東兩省卽行解楚備用矣

上命軍機大臣傳諭長齡曰據奏青黃號各股剿敗
之賊及前次逃竄川省之苟逆等均復折回衝撲
沿邊各卡意圖仍竄楚境現在加意嚴防該省邊

界賊匪旣思復行闌入長齡此時自以堵截爲要
况吳熊光業已到楚其糧餉等事自必上緊籌辦
長齡儘可不必分心惟當會同明亮孫清元將楚
境之賊速行肅清勿再延緩至徐添德一股雖經
德楞泰帶兵緊追赴陝離楚較遠但川陝年成稍
歉難以掠食恐該匪復思乘間竄楚長齡旣稱楚
省二麥豐稔鄉間俱有益藏豈可又令賊匪飽掠

惟當預爲嚴密堵禦勿令逸入且現在又添有江
西廣西新兵分段布置尤爲得力若再有疎虞則
惟長齡等是問

上又命軍機大臣傳諭山東巡撫惠齡河南巡撫顏
檢曰湖北剿辦賊匪大功指日告竣一切善後事
宜需用尚多自應寬爲籌備現在他省雖有款項
可撥而山東河南距楚較近著惠齡顏檢接奉此

旨卽速於庫貯內各湊撥銀十五萬兩遴委妥員
迅速解往備用

十五日

庚寅

上命軍機大臣傳諭額勒登保曰朕聞蕭福祿打仗
尙爲奮勇惟過於鹵莽不能獨當一面卽如從前
剿捕汧陽匪徒長麟專派蕭福祿前往未免誅戮
過多漫無區別現在高二餘匪若交蕭福祿帶兵

追剿仍恐其鹵莽從事於教匪難民不能細心分
別或致誅及無辜於事甚有關係著額勒登保卽
另派妥幹鎮將前往蕭福祿一路更換帶兵專辦
高二餘匪速行剿竣如蕭福祿尙能打仗額勒登
保應卽令其隨營聽候差遣可資得力至慶溥喜
明馬玉魁柯藩在平利安康一帶截剿龍逆等匪
將多則兵益見分莫若歸併一人帶領以專責成

而厚兵力額勒登保於慶溥等四人內酌留一人
在彼截剿更爲有益其三人均可調回大營差遣
委用再聞漢江一帶留防兵丁過多江岸防兵原
所以嚴絕賊匪偷渡北岸今賊匪往來奔竄已非
一次可見原設防兵有名無實況現在江水日見
長發非冬令消涸時可比各處所設兵丁若照舊
留防不但虛糜餉項且將有用之兵置之間地著

額勒登保察看情形或於廣元沔縣江水稍淺處
所酌留兵丁安設卡隘以資防禦其餘水深之處
可以無需卽將原設之兵撤回分派各營令其隨
同打仗此時額勒登保專剿冉學勝股匪逼過漢
南自可乘勢殲除其索倫勁旅所騎馬匹倒斃雖
多聞山西協濟驛頭卽日可到官兵有此乘騎自
能衝突無前大獲勝仗現交夏令未經入伏天氣

不甚暑熱尚可用兵額勒登保當趁此上緊剿辦
將冉逆一股悉數殲擒倘稍稽時日氣候鬱蒸官
兵不能接仗彼時額勒登保卽奏稱帶兵殺賊亦
難深信矣

欽定剿平三省邪匪方略正編卷二百五十六

辛酉年

五月十六日

辛卯

勒保奏言查湯劉等逆自麻柳

壩經官兵剿殺後由大了口野龍池一帶逃竄

臣

卽督同阿哈保永寧等緊躡追擊七十五一

路官兵包住沿邊老林由雙龍硎亮埡子七里

坪前進緣該處一帶俱係深溝仄路樹木倒折

填塞路徑卽徒步亦覺費力七十五一面派出

兵勇設法開路一百督同侍衛武隆阿總管富
僧額副將張良槐叅將馮元遊擊李光晟都司
羅思舉蒲佑盛守備李朝相帶兵隨探隨進二
十五日行抵雙龍碕據報亮埡子有賊匪屯踞
山梁七十五卽派武隆阿羅思舉蒲佑盛李朝
相率同軍功張必祿冉太等挑帶兵勇奮力進
攻七十五繼進接應行至板廠溝卽有伏賊由

菁林突出經七十五派令馮元李光晟帶兵進
擊該匪等隨即奔入右手深溝武隆阿羅思舉
蒲佑盛見伏賊擊退隨督同兵勇由左手溝中
仰攻賊匪滾放礮石我兵搶上與賊短刃相接
軍功冉太首先殺賊陣亡兵勇帶傷數名我兵
併力剿殺賊始紛紛潰逃追至岩屋子長嶺岡
連破賊卡三座斃賊二百餘名擒獲顏中有等

十八名訊係湯思蛟等派出戰手前來堵截要

路當卽正法

臣

一路官兵由白草壩追抵大丫

口察看兩旁樹木叢茂路徑險仄恐有埋伏我

兵卽分路隨搜隨進沿途殺賊五十八名於樹

林內搜獲賊匪三十七名追至野龍池賊匪已

由鴨囗門荆竹坪迴龍觀等處分竄訊據活賊

周詔文等供稱該匪等本欲仍遁蓋頂老林因

此路有官兵截住，大了口一路又有官兵追來，隨商量要由尖山壩寶塔逃竄，先派戰手在大了口一帶樹林埋伏，想截官兵後路，並於殲斃賊匪內，指出劉朝選大徒弟張先鋒等情，當將

周詔文等一併正法。臣隨知會七十五由中崗

嶺毛嶺前進。臣從上三壩朝陽祠進發，沿途山

險林密，俱有藏匿賊匪。臣等分派兵勇隨搜隨

進二十九日行抵田家壩據該處土人稟報附

近之乾龍峒貯有軍米現有賊匪在彼圍攻甚

急臣當令阿哈保永寧並副將田朝貴叅將羅

聲臯李錦麟遊擊夏雲龍等帶兵前往救援趕

抵乾龍峒該匪正在圍攻峒內管米役勇並寨

兵等抵敵危急一見兵到該匪當卽遁去我兵

乘勢追擊忽又有一股賊匪由乾龍峒左手山

林內突出我兵分投追殺斃賊一百四五十名

生擒二十一名千總段松林奮勇追入樹林被

賊矛傷陣亡遊擊夏雲龍被賊矛傷右額不重

兵勇陣亡六名受傷十餘名訊據李升等供稱

藍號王士虎餘黨王士萬等前在周家槽被官

兵剿散逃入老林因城口一路有兵卽竄至大

寧縣屬萬古寺一帶適白號湯思蛟劉朝選黃

號辛聰等從尖山壩逃來又與合夥辛聰王士
萬原想從徐家壩仍往湖北去湯思蛟劉朝選
因路徑不熟現在商量未定還在萬古寺核桃

壩等處分紮因人數衆多聽得乾龍壩存有官
糧纔分出戰手立意前來破壩搶糧隨後又派
戰手三四百人接應不想被官兵打退等語隨
將該犯等一併正法維時七十五一路官兵追

賊至毛嶺因探聞該匪等已由尖山壩寶塔

帶奔竄卽從毛嶺改道於初一日趕抵田家壩

適與臣會台商酌查萬古寺核桃壩等處東走

二郎壩卽係楚省竹谿邊界現在房竹一帶沿

邊俱有竄匪旣恐該匪等竄往合夥而萬古寺

核桃壩北通黃墩後坪卽係太平城口地方後

坪一路現有龍紹周股匪在彼出沒亦難保該

匪等不與之糾合臣與七十五仍趕緊分路進

剿惟數日以來該匪等總在深林密箐分起散

竄處處設伏我兵隨搜隨進兼之路徑險仄兵

力難以施展以致未能痛加剿洗臣與七十五

阿哈保等惟有策勵將士上緊剿辦至託雲泰

一路官兵現在城口截剿臣連日剿賊俱在山

僻小路中間又有賊阻是以尙未接據該鎮稟

報情形臣復飛飭趕緊剿辦速行具報奏入

上命軍機大臣傳諭勒保曰勒保奏與七十五分路
追剿湯劉等逆殲擒不過三四百人並未擒獲賊
首痛加殲戮而湯劉股匪復與黃號辛聰等逆俱
竄至大寧縣屬之萬古寺核桃壩等處與楚省竹
谿邊界相近閱之殊未愜意現在賊匪情形非竄
至太平後坪一路與龍紹周糾合卽竄往楚境竹

谿地方摺內稱辛聰王士萬欲從徐家壩竄往湖北而湯思蛟劉朝選因路徑不熟商量未定勒保正當趁賊匪意見不合之時乘勢進剿庶可聚而殲洗豈將賊匪轟出川境卽爲蕝事耶況川兵俱在勒保等一路務當督同七十五阿哈保等上緊剿辦總憲在川東境內尅日殲除倘稍有疎懈以致湯思蛟劉朝選辛聰王士萬等竄往湖北必當

將勒保從重治罪不能再宥矣現在德楞泰帶兵

在陝省漢江以北截剿徐添德一股距川甚遠勒

保自斷不坐候德楞泰來川協剿藉以邀功也再

託雲泰係在城口一帶截剿龍紹周一股何以勒

保近日未接稟報剿賊情形並着飭催該鎮迅速

剿辦勿再遲延所有打仗陣亡之千總段松林軍

功冉太俱著咨部賜卹

十八日壬辰德楞泰奏言查徐樊等股賊匪前經

搶渡江北臣卽帶兵由沙溝前進途次三岔河

探報徐逆等知官兵追趕緊急每日竟行至一

百三四十里至一百六七十不等向爛草坪

一路遁逃該處仍通鎮安山陽之路必須扼住

東北向西南截剿當卽取道西溝前往詎賊探

知官兵抄出東北卽向西南宵夜奔逃我兵亦

竭力跟追不予以暇沿途拿獲賊匪及逃出男
婦大小難民來營請票者日或三四十名至百
餘名初五日我兵由中板房至月河西刻已行
一百三十餘里趕到沙坪地方追及賊尾其時
天色已晚臣卽督率賽沖阿溫春色爾滾馬瑜
蒲尙佐侍衛將弁等分投追剿三十里斃賊二
百餘名生擒張璜等七十五名口奪獲馬騾八

十一匹頭旗幟刀矛二百三十餘件因黑夜未能痛剿旋探該逆奔至高冠峪有入南山之勢

經畧額勒登保前已札飭總兵劉之仁通判維

昂於初六日帶領兵勇由高冠峪內突出截殺

直追至江口殺賊三十餘名生擒十七名該逆

未能進山卽折向金雞河五郎河西南竄往兩

河旋又接據慶成來信奉額勒登保撥派帶兵

由磨溝口前來揆明駁踪回毛堽子分頭截殺
亦於初六日黎明均抵兩河正遇賊匪奔逃而
來一見官兵卽佔住山梁抗拒遊擊吳亨衍委
叅領都爾伯等帶領馬隊先到奮力仰攻相持
未下逾時慶成督率副將李天林遊擊張奉廷
趕到兩路並進賊不能支分爲三股向寧陝地
方潰逃官兵乘勢衝殺斃賊二百餘名獲犯七

十一名奪獲騾馬三百餘頭匹吳亨衍等帶馬
隊復由捷徑抄出饒峯嶺包截李天林等帶步
兵赴子午峪遏其東竄石泉漢陰之路追過數
重大山殺賊一百餘名餘匪向樓子坪遁去共
生擒一百十三名奪獲旗幟刀矛騾馬極多再
該逆狂竄經過鎮安寧陝之馬鞍山兩寨百姓
截殺賊匪三十餘名生擒三十餘名該逆等連

次被剿初七日賊由大洋灘跣淺渡過漢江南
岸向渭門前逃慶成因緊顧東面於初八日出
白沙渡跣淺過江追至茶壩河派令李天林吳
亨衍等各帶官兵分路抄截慶成自帶馬隊接
應三更發兵黎明至寨溝正值賊衆炊爨各路
官兵猝出剿殺立斃賊百餘名委叅領都爾伯
騰受矛傷猶復力戰守備李行正千總劉國興

行營千總趙義外委杜經馬乏步行率衆乘勝
掩殺六十餘里又斃賊二百餘名生擒二百餘
名賊衆敗向西鄉東逃仍欲北折渡江適臣帶

兵緊躡賊蹤亦於是日由大洋灘踰淺南渡趕
至深溪河該匪卽紛紛南折回堰口奔逃其勢

自趨川省臣是晚與慶成相距不遠亟商分路

夾擊且額勒登保現在西紫一帶剿辦再逆賊

股臣亦已飛咨如果竄近相機撥兵堵截更可

易於集事再查徐樊等逆前由高壁洋過江時

尙有賊匪五千餘人臣於蔣家梁剿洗後只剩

三千餘人又除沿途趕追擒斬及陸續投出逃

散並慶成連次截剿外現在所剩馬步賊匪祇

千餘人臣惟有鼓勵軍心迅將此二逆剿洗淨

盡或應移師協剿三省邊界各股賊匪抑或帶

兵回川剿辦湯思蛟等股賊匪之處再當與額
勒登保會商籌辦頃接據漢陰廳杜蕙稟報觀
音河地方尙有剿散賊匪四五百人在彼遊奕

臣查漢江北岸已無大股賊匪茲據稟報雖係

零星之賊若無兵剿辦恐復滋蔓隨飛札飭知
劉之仁維昂卽帶兵勇就近前往剿除淨盡或
卽逼過南岸斷不可令其東竄又據洵陽縣稟報

緣四月二十日裕忻寨寨首陳思揆等奉札搜
查帶傷之首逆陳朝觀曾芝秀及剿散餘匪邀
同各寨勇同行二十一日在梓木埡一帶見有
三人躲在空房內查看身有血跡經寨總周正
舉盤詰因言語支離卽將三人綁縛上寨再三
細詢始據獲犯黃孟供稱帶傷者就是藍號大
元帥陳朝觀在蔣家梁打仗受有箭傷滾岩逃

到此間我是探馬頭復據獲犯李祿供亦相同
再詢之帶傷之犯始行自認首逆陳朝觀現年
三十五歲四川東鄉縣人與冉文儔同時起事

各等情正商議齊集寨勇解縣間有賊匪數百
名前來圍寨說要索還大元帥方纔甘休當將
鎗礮搗石擊退該賊匪仍住寨下不遠寨上衆
人恐有意外之虞遂將陳朝觀等三人一時殺

斃懸示賊衆以絕其冀幸之心是日賊乃未退

直至二十四日該縣帶領兵勇趕到賊匪遙見

官兵到來始行逃去該縣尙恐有不實隨將張

古寨解到搜獲青號副元帥李順安探馬頭熊

學富並陳朝觀之弟陳朝榮三名令其指認陳

朝榮一見號哭不已反復研訊據供實係胞兄

陳朝觀首級現俱帶回縣城稟請分別辦理

臣

隨飭該縣卽將李順安等三犯於該縣地方
 割與陳朝觀首級一併懸示惟寨首陳思揆陳
 翠儒寨總周正舉實心實力搜獲首逆等犯並
 能於賊匪圍寨之時深知權變將該逆等殺死
 懸示以絕其冀幸之心實為可嘉臣當各賞八
 品軍功頂戴並於懸賞銀一百兩之外復加賞
 銀一百兩以示鼓勵再此次洵陽縣嚴如煜能

於堡寨留心並能實力搜拿首逆多犯當此大
功垂成正屬搜捕喫緊之時可否將嚴如煜

恩加鼓勵俾各州縣觀感奮興同心努力於歲事更
爲迅速又前次痛剿徐添德等股賊匪出力各

員謹遵

旨查繕清單恭呈

御覽奏入

上命軍機大臣傳諭德楞泰曰此次徐樊二逆經德
楞泰督率賽冲阿等分投追剿卽奔高冠峪有入
南山之勢經劉之仁維昂帶領兵勇突出截殺復
經慶成帶兵前來接應多有斬獲遂由大洋灘躡
淺渡過漢江南岸慶成亦過江追剿前後殲擒賊
匪一千五百餘名現在所存馬步賊匪不過千餘
人德楞泰與慶成分路夾擊定可剋日悉數殲擒

向來南山一帶任賊出入自如皆因官兵不能

爲防備今劉之仁雒昂截殺立功可見前此降旨

令於南山內安設兵勇攔截賊匪已有明效至慶

成本有舊傷此次奮力殺賊多名均堪嘉獎慶成

劉之仁雒昂俱著加恩交部議敘至逆匪等總由

畏懼德楞泰聲勢不敢抗拒俾劉之仁等得以乘

機截殺茲已逼過漢江南岸卽可在該處辦淨此

股首駁德楞泰或移師協剿他股賊匪或帶兵入
川剿辦湯思蛟等股之賊惟在德楞泰相機籌辦
朕亦不爲遙制至前次搜獲首逆陳朝觀等之寨

首陳思揆等業經德楞泰各給八品軍功頂戴並
加賞銀兩所辦俱是其洵陽縣知縣嚴如煜尙屬
能事著加恩賞給知州銜以示鼓勵至此次打仗

受傷之叅領都爾伯現在曾否痊愈並著遇便覆

奏

上諭內閣曰德楞泰奏軍營出力各員二等侍衛蘇
勒慎著賞給西林巴圖魯名號吉林驍騎校獎賞
藍翎舒爾哈善賞給舒瑪該巴圖魯名號黑龍江
驍騎校獎賞藍翎福森額賞給額哲克巴圖魯名
號仍照例各賞銀一百兩四川夔州協左營都司
何占鰲加恩賞換花翎四川綏寧協右營守備李

鳳鳴維州協左營千總李璋邑梅營把總袁邠重
慶鎮右營外委張應鼎雲南提標外委楊林楚雄
協外委何柱四川重慶鎮左營外委劉正貴越雋
營戰兵劉啟奉重慶鎮左營戰兵方維新巴縣軍
功鄉勇宋陞俱著加恩賞戴藍翎

同日吳熊光奏言

臣

前奉

上諭倭什布奏陝省竄至竹谿另股賊匪究竟是何

姓名現在何人剿辦令臣查明具奏查楚省賊匪

豫省防江文武雖時有探報但相隔稍遠究未

能得其確實隨一面飛札詢之長齡昨到襄陽

後接見文武員弁面加詢問據稱龍逆等股賊

匪經叅贊德楞泰剿敗後已竄入川省太平老

林經德楞泰札飭川省副將褚大榮帶兵迎擊

嗣於四月十一二等日復探得龍逆股匪又自

陝竄楚之西向松樹壩一帶賊探已至豐溪十

三四日德楞泰順道至豐溪迎剿該匪仍折回

入陝向大樹河鎮坪一帶竄逸至陝省竄來不

知姓名股匪據竹山縣范繼昌稟報從陝省洵

陽大小神河竄二竹之縣河鋪麻家渡一帶滋

擾長齡於四月十四日由房縣帶兵前往進剿

獲賊訊供係黃白二號賊匪首逆王國賢張萬

林張登堂等約有二千餘人經官兵由東面截
住逼回與總兵孫清元所追之戴家營趙鑑白
號胡名元崔宗和並楊開甲之餘黨合夥現在
孫清元與副將吉林泰等帶兵前往追剿並據
長齡札復相同此時楚省帶兵各員惟孫清元
吉林泰尙能殺賊爲賊所畏今該鎮協旣帶兵
前往追剿似可無虞其東竄再徐添德一股經

大兵剿敗後由陝省洵陽迤上之高柳楊灘偷

渡臣前於南陽途次接到防江文武稟報因洵

陽白河與楚省二鄖接壤恐其窺伺鄖西希圖

竄入豫疆隨即飛札鄖西縣孔繼榘等多雇義

勇會營嚴防並札知河南撫臣顏檢將南陽鎮

挑備兵五百名派都司楊光時等就近前往浙

川荆子關一路預備策應臣仍暫駐襄陽聽信

並清查糧餉等事。茲據該縣孔繼榘稟稱前股賊匪於四月二十六日竄至逼近鄖西之東川口經該處義勇施放鎗礮賊匪又繞赴蒿坪壩邊牆外窺伺復經派防之練義各勇轟擊賊匪見該縣西南一帶各隘口均有準備卽向西奔竄並據河南布政使完顏岱南陽鎮田永桐稟稱探得此股賊匪經叅贊德楞泰追至洵陽之

張家坪殲擒甚多餘匪竄往鎮安之西大兵趕

剿等語臣又已札飭該縣孔繼楨與副將滿倉

仍宜小心巡防臣連日在襄將糧運章程畧爲

部署因房縣爲鄖襄適中之地向派道員海昌

在彼總司糧運臣卽起程前往以便就近與長

齡等會商並督飭該道將從前因何遲悞及嗣

後如何設法催儻務期源源接濟以利軍行之

處逐一查明悉心辦理奏入

上命軍機大臣傳諭吳熊光曰吳熊光查得倭什布所奏不知姓名之賊係屬黃白二號賊首王愾賢趙鑑等竄入二竹之縣河舖麻家渡一帶滋擾與長齡前次所奏大畧相同賊匪奔竄情形地方官往往探聽不能確實且並有稟報錯誤者卽如秦承恩台布前在陝省巡撫任內所報賊情多有不實

自陸有仁接任以後奏報較爲確切總在該督撫督飭地方官多派偵探隨時稟報至另奏徐添德一股賊匪竄往鎮安札知顏檢派兵前往浙川荆子關預備一節所見亦是惟刻下賊匪情形又有不同據德楞泰奏將徐樊二逆痛加殲戮所剩餘匪不過千餘人俱已逼過漢江南岸距鎮安一帶已遠但賊蹤無定自仍應實力嚴防現在川省所

築堡寨最爲堅固稠密賊匪無從擄掠是以不能
存住陝西地方經朕節次指示現亦一律築堡已
有成效惟湖北堡寨地方官既不認真辦理而該
處民人亦不踴躍以致建築甚屬寥寥且該省本
年麥收豐稔賊匪或思仍行折回此時吳熊光惟
當嚴飭防邊之員實力堵禦爲要

十九日

甲午

長麟奏言查高二餘匪於初五日出

吳家營竄入畧陽縣屬之道陵溝臣卽於是日

薄暮追至道陵溝口外之何家崖訊據逃出難

民供稱賊匪要竄出大安驛如南面有兵卽竄

往黑河仍舊折回南山如北面有兵卽由陽平

關竄往龍安等語查該匪甫由南山轟出竄入

甘省今若令其仍由黑河折回南山或由陽平

關竄往龍安辦理均致費事必須連夜繞出賊

前先行顧住竄往黑河之路俟該匪不能北竄
再行趕往陽平關堵截當於初六日五鼓派撥
都司德克精額等分帶兵勇由道陵溝尾追

臣

親帶兵勇由何家崖翻山抄至大安驛該匪不

能北竄卽於初六日竄至南沙河距陽平關僅

四十里

臣

恐其直趨龍安當於初七日三更發

兵黎明時趕至柳樹埡地方已經扼住陽平關

要路該匪不能西竄復由南沙河竄出板橋溝

有直竄寧羗州之勢臣卽帶兵折回趕至寧羗

州城該匪已由城北翻山竄至猪槽溝查猪槽

溝一帶山路陡窄臣將鍋帳全行留後卽於初

一日五鼓發兵趕至猪槽溝該匪又已竄往茅

坪溝一帶臣趕至相距茅坪溝之分水嶺地方

時已天黑兵勇連日奔馳亦甚疲乏當卽暫行

紮住略爲憩息復於初九日四鼓發兵趕往茅
坪溝進剿黎明已抵該處賊匪正在溝底齊隊
兵勇直前撲壓立斃賊匪六十餘名賊匪搶上
山梁我兵緊追上山又斃賊匪二十餘名滾崖
跌斃者十餘名生擒男婦五十九名口奪獲賊
旗二面鎗礮長矛三十六件騾馬牛驢三十餘
頭匹賊匪四散竄入老林兵勇在老林北面用

鎗礮轟擊賊匪卽由南面竄出翻上照壁山大

梁欲向八廟河一帶東竄適總兵觀祥叅將李

殿元帶領兵勇在關口壩攔截賊匪未能竄過

復折向西南逃往兩河曾家河一帶已入川省

廣元縣境臣恐該匪狡詐仍復折回卽將兵勇

在兩河停紮一日於十一日撤回寧羗州訊明

生擒男婦均係被裹難民當卽飭發寧羗州給

與盤費路票釋放回籍並將高二餘匪已經竄
入川境之處知會四川總督勒保派兵接辦奏
入

上命軍機大臣傳諭長麟曰長麟此次在茅坪溝等
處斃賊僅八十餘名不過係被脅落後之賊並無
緊要賊匪在內現在高二股匪已逃往川省廣元
縣境雖據長麟稱已咨會勒保派兵接辦但廣元

一帶有否派有官兵在彼堵截長麟摺內亦未經
聲敘此時川省所築堡寨甚爲稠密高二餘匪竄
往無從擄掠難保其不仍折回陝境長麟現在帶
兵由寧羗前赴漢中若額勒登保已派有接替之
人卽令其管領長麟原帶之兵就近確探賊蹤隨
時堵剿勿令賊匪仍行折回長麟俟額勒登保派
員接替後伊或回甘肅或至西安總當將地方及

善後事宜妥爲經理此以長麟專責若再有貽誤
決不能稍爲寬貸矣至蕭福祿應赴何處堵剿統
俟經畧調遣可也

同日長麟明亮奏言據孫清元等探報黃號一
股已由洞賓口奔招風岩向西南奔竄白號一

股由蘿蔔灣馬鹿山直往北趨現在緊追等語
臣查西向之賊去兵已遠北面則離陝甚近且

聞陝省慶溥柯藩等現在平利白土關五條嶺

一帶堵截自應併力合剿先清楚境北向將該

匪逼歸有兵之地以期前後夾擊臣長齡即由

馬鹿山馳至水坪趕上孫清元大隊督率向北

緊追又據總兵德昌稟報賊匪已竄至插莩臺

紅岩寨一帶臣長齡一面飛咨明亮並令總兵

德昌白東向西進擊臣督同孫清元自南向北

追剿趕至秦家坪已追上賊匪兵勇無不奮力

向前撲殺立時斃賊一百餘名臣長齡同託爾

託保等督率馬隊加緊馳射沿途殺斃二百餘

名生擒王元李泰等一百八十餘名該匪俱向

西北逃竄臣明亮本在竹谿關埡防堵探知賊

匪北竄亦於是日五鼓帶兵由竹谿河一帶向

東迎擊適遇賊匪敗竄而來督率官兵直前迎

敵斃賊一百餘名生擒蔡世名等一百餘名追

殺二十餘里沿途俘獲不少該匪經各路官兵

逼剿甚緊一由千家坪奔往陝省高望山一帶

一由七里溝竄入陝省洵陽茅坪一帶臣長齡

率同孫清元德昌等亦即趕到當將獲賊蔡世

名王元李泰二百八十一名逐一審訊據供營

內元帥張辛陳三姓不知名字共有三千餘人

打仗矛手一千餘人馬三四百匹三股合夥均
係各路剿散並無一定頭人前在官渡被官兵
緊追大家商議逃往陝西等語當將從賊日久
屢經打仗之蔡世名等二百五十九名卽時正法
其餘王元李泰張萬氏等一百八十六名口俱
係被擄良民從賊未久解交竹山縣分別遠近
酌給盤費妥爲獲送回籍臣等熟爲籌議楚陝

毗連處處犬牙相錯出楚卽入陝過陝又入楚
如該匪直向西北俱在陝境設或旁折東竄仍
可闌入鮑家店等處必須分路堵剿各保一面
方爲妥善

臣

明亮率同德昌合爲一隊作爲游

兵隨賊所向相機截剿保護北面

臣

長齡據西

面河卡守備鄧興相稟稱探得唐苟李三逆股
匪約有數千餘名現竄苔草壩一帶勢欲入川

又探得楊張李等股匪一千餘名竄至川楚邊

界徐家壩一帶各等情

臣

長齡卽率同孫清元

等馳回王家山一帶沿途搜捕並截剿川陝兩

面股匪以

上命軍機大臣傳諭長齡明亮曰此次長齡明亮等

帶兵在插鼓臺竹谿河等處殺賊三百餘名所追

賊匪訊係張辛陳三姓不知名字自係零星落後

之賊又摺內稱唐李苟三逆勢欲入川楊張李等
逆竄至川楚邊界徐家壩一帶此等無名賊目自
由各路紛紛潰散並非緊要頭目此時楚省股匪
既經逃竄出境伊二人俱屬楚省守土之官防堵
邊界是其本任專責伊等摺內既稱明亮率同德
昌合爲一隊保護北面長齡率同孫清元馳向王
家山一帶顧住西南卽責成伊四人在各該處嚴

密堵禦現在湖北年歲豐稔該處堡寨又素未嚴
密難保川陝各股剿敗餘匪不思復竄楚省長齡
明亮等當督率將弁於所在邊境認真剿截勿使
賊匪一名闌入卽屬伊等之功如不能認真堵禦
致各股竄匪復又乘間折回則伊二人獲罪甚重
凜之慎之

同日吳熊光奏言竊臣行抵丁家集接奉

諭旨卽暫回襄陽傳

旨拿問倭什布倭什布伏地痛哭跪稱辦理糧餉情形我前已恭摺詳晰具奏只求

皇上派員嚴查有一字捏飾卽將我加倍治罪但我

蒙

恩擢任督撫旣不能帶兵殺賊早靖閭閻乃於地方糧餉諸務又不能先事預籌實力整飭致有遲

誤就是我辜

恩溺職懇請轉奏將我從重治罪查倭什布係奉

旨鎖拿之員應遴選妥員押送適有運糧湖南澧州

知州周士拔來襄卽委令與署襄陽鎮標遊擊

事候補守備孟毓本二員協同鎖解倭什布入

都已飭令沿途小心管解並飛咨直豫二省照

例護送伏查湖北與豫省接壤該省從前文武

廢弛臣在豫省時早有所聞自上年書麟到任

後極力整頓較前已稍知畏懼其不給兵餉一

節臣去冬因在楚協防之豫省員弁曾稟求河

北鎮臣常林向臣告知臣隨密札詢之書麟嗣

據覆稱各營盤原有短欠鹽糧之事實由餉銀

不繼業經倭什布先後具奏並懇請發餉在案

臣以書麟等既經奏

聞是以未經具奏今經畧額勒登保叅奏該省前此
竟不給官兵糧餉以致兵勇搶掠百姓殊出情
理之外額勒登保所奏係楚省難民在德楞泰
處控告及總兵孫清元稟知必非無因若不澈
底根究從重懲治何以儆官邪而靖地方惟是
襄局雖總司收發而發給各營盤糧餉又另有
糧員經手查各該員有從前承辦已回省城者

有現在承辦尙隨軍營者一時難以傳齊審訊
且事關通省目下軍務未竣似亦不得不出以

慎重容

臣

與撫臣全保詳細密訪俟查有真實

確據不難一問而決該員等亦斷無從掩飾其
鄉勇之滋事亦不特楚省爲然惟不給口糧銀
兩致令藉口擾民此則承辦各官之罪應如何

減撤之處俟

臣

抵房後再與全保面商妥辦嗣

殺兵勇如再有藉口搶掠者卽當執法從事不

稍寬貸至倭什布不能約束家人臣在豫省亦

有所聞其與屬員如何通同朦混目下尙無實

蹟並須密訪確切一體嚴辦臣現接長齡來札

據稱已趕赴上龕一帶與孫清元會同堵剿餘

匪當此軍務未竣之時糧餉軍火仍當源源接

濟臣亦卽馳赴房縣督率籌辦並將倭什布等

集賢堂 卷之三
三
種種貽悞之處隨時訪察務得實情據實叅辦
斷不敢少涉瞻徇奏入

上命軍機大臣傳諭吳熊光全保曰吳熊光原係軍
機大臣今身任封疆旣知楚省文武廢弛及倭什
布不能約束家人並不給兵餉等款卽不專摺劾

叅亦當於奏事之便夾片密陳朕何難卽加查辦
乃吳熊光年來並無一字提及及經額勒登保叅

奏事已敗露降旨將倭什布拿問解京始稱在豫
早有所聞殊非誠心爲國之道朕於倭什布因其
平日操守尙好是以擢任督撫今既有貽悞地方
糧餉之事卽立加懲辦黜陟臣工從不預存成見
功罪皆視其人之自取吳熊光寧不知之姑念事
屬隔省亦不加深責今旣擢任兩湖又節次降旨
令其會同全保將倭什布種種欸跡徹底查究固

不可因倭什布業經拿問過事搜求亦不必代爲
諱飾總當實心秉公查辦詳悉奏聞毋得稍有徇
隱至所稱經手糧員一時難以傳齊審訊所見甚
是目下軍務尙未告竣若遽紛紛傳訊恐現在無
人接替轉致有悞軍儲吳熊光惟當會同全保詳
細密訪查有切實証據再行陸續叅奏嚴辦數人
以示懲戒此時轉不必急急也再本日據長齡等

奏分投截剿藍白二號賊匪亦有斬獲俱已逼出
楚境現在明亮率同德昌在陝楚邊界防堵北面
長齡率同孫清元等截剿川陝兩路股匪已降肯
責成長齡等在邊境認真防堵吳熊光現赴房縣
務督飭防邊文武各員悉力守禦勿使竄往川陝
之賊復行闌入其所需軍火糧餉仍須源源接濟
不可稍有缺乏長齡等摺內又稱被擄難民解交

竹山縣分別遠近酌給盤費妥爲護送一節此等
習見之語殊屬有名無實試思楚省兵勇應支糧
餉分例尙且欠至數十日之多又何暇顧及難民
流離失所固不待言年來川陝糧餉亦何嘗多有
寬餘而於撫卹難民一事俱係專派地方官妥爲
經理是以被擄良民一經救出卽可各回本籍楚
北地方向來未必辦及亟當熟籌安置若此等難

民逃出後口食無資難保其不去而從賊惟在該
督撫嚴飭地方官妥爲收撫毋令失所多一良民
卽少一賊匪切勿徒托空言塞責也

何也無會則遠近紛紛
習見之人心殊屬有餘
實試思惟是而兵勇
備分制謂且欠至數十
百之數又何暇論及
流離失所固不待言矣
來川既難前亦難
噴少而無財則財
皆動而後出
泉出於口
泉無資
泉無資
泉無資

欽定剿平三省邪匪方略正編卷二百五十七

辛酉年

五月二十日

乙未

額勒登保奏言查冉逆於初一

日由石泉之筒車壩青龍寨南竄總兵胡定泰

在王黑壩防堵卽帶兵於兩河迎截該匪聞風

又由艾峪溝竄至蕭家壩入紫陽地界初二日

楊遇春格布舍等帶兵由麻柳壩等處躡蹤而

進

臣

因該匪狡猾過甚復將親帶兵勇擇其精

勁者撥交札克塔爾及副將楊芳等帶領與楊
遇春等一同追剿卽亦卽帶侍衛安福副將王

兆夢劉瑞率領兵勇由王黑壩大石川出觀音

堂以備賊匪轉而向西迎頭截殺該匪知數面

皆兵又思渡江東竄於初三日至王家臺竟欲

直撲瓦房店營卡徑趨江岸總兵汪啟協領德

勒格爾得信於雨中帶滿漢官兵出卡迎擊斃

賊五十餘人賊匪翻山南竄赴雞鳴坡一帶楊

遇春札克塔爾格布舍等於初四日由碾子堖

混人坪牛角園芭蕉口兩路趕剿探得賊匪因

大兵緊躡刻不停留於初五日午間竄至仁河

值河水雨後陡漲騎馬之賊浮水而過其步行

之賊用布彼此牽拽跣水尙有未過餘匪見我

兵趕至山梁倉猝搶過山水猛湧隨流漂沒者

一百餘人前隊官兵勇已馳至河干水勢未
消不能躡越連夜砍伐木植搭造浮橋初六日
黎明官兵全過由月池溝葛藤堙盡力追逐初
七日至別街子金山梁等處拏獲賊探詢知該
匪等聞官兵到來冉學勝已於天池山上林箐
深密之處設伏以待官軍楊遇春札克塔爾格
布合等知其詭計各帶將弁兵勇分三路進攻

將抵半山果有伏賊從山凹林中突出兵勇均有準備分佔山梁斃賊數十人賊遂退卻山頂佔據官兵舊紮營卡格布舍桑吉斯塔爾帶領侍衛馬隊由左抄赴賊後步隊官兵奮力搶上內有騎馬執旗之賊勢極兇猛經兵勇極力撲殺該匪受傷被擒同時并捉獲矛手十數人賊遂四竄楊遇春札克塔爾格布舍帶同總兵張

鳳副將應元寬楊芳等分路追殺趕過數重大
山約有四五里賊匪半將騾馬拋棄爬越荒
山分遁統計此次殺賊三百餘名生擒五十四
名奪獲騾馬二百餘匹鎗矛包裹不少當將所
獲騎馬執旗之賊嚴加鞫訊據供名陳學文係
冉學勝手下副元帥因被官兵緊追商量仗此
騾馬從江北由鎮安往河南去不料處處均有

官兵連日過水在山中奔逃牲口漸少只可在
紫陽安康大山內躲避游奕乘空東逃楊遇春

等當將該犯及拏獲頭目王雄探馬頭陳心志
一併凌遲其餘所獲矛手均卽正法是日該匪

由木蓮橋硎河分竄楊遇春札克塔爾等已緊

追前進臣由高灘全河口周家壩緊顧西南旋

探旋進於初八日趕抵山梁專差飛催楊遇春

札克塔爾乘賊匪敗潰務期盡力一鼓掃除不
可稍予以暇又疊據慶溥喜明馬玉魁柯藩稟
報龍紹周股匪於日前竄入平利由香河竄至
八道河大平河一帶慶溥馬玉魁帶兵進剿於
二十六日趕抵八道河探得龍逆股匪尙在該
處山梁屯紮慶溥馬玉魁帶兵分左右路進剿
賊匪下壓我兵奮力抵敵斃賊數十名該匪復

分出四五百人由山溝小徑突出官兵之後慶
溥等當令副將國興阿等帶兵迎擊立斃賊匪
八九十人餘匪潰竄山上之賊亦卽退走慶溥
等率兵乘勢搶上山梁分路追趕沿途復斬獲
五十餘名時已薄暮我兵紮營該匪於三更時
前來撲卡官兵於黑暗中力禦將賊擊退該匪
仍於入道河山林內竄匿臣飭令慶溥等緊剿

不許使其東竄臣現紮金山梁地方距八道河

六道河斑鳩關磚坪等處均不過二百餘里并

聞牛蹄西舖板廟子亦尙有王姓曾姓等零股

出沒臣於金山梁一帶不惟可以爲楊遇春等

策應并可督飭慶溥等剿辦遇各股賊匪竄近

亦可隨時剿殺臣帶兵雖屬不多而就近防堵

之兵皆可調用亦無虞單薄至穆克登布等所

剿之伍懷志股匪日前又由樵西竄入棧東穆
克登布率師分路追剿得有斬獲惟總因深山
險阻路徑紛歧未得痛剿二十七日賊匪竄至
進口關穆克登布豐紳等於魯家巖等處趕上
賊尾立斃數十人生擒賊匪三十餘人內有頭
目高尙達一名賊匪由磨房溝遁去穆克登布
等先派有副將游棟雲在彼攔截見賊竄來卽

帶兵迎擊斬獲十數人該匪因後有追兵搶上
旁面山梁穆克登布等遂與游棟雲合兵追剿
又計殺賊百餘名生擒二百餘名內有賊目陸
南圃鄧思原二名當卽分別凌遲正法并據穆
克登布等聲稱此次擒殺四百餘名現在該匪
約剩不過千數人再得一二次痛仗可期剿竣

臣現復飭令該鎮等趕緊剿辦又據成縣畧陽

一帶地方官稟報高二餘匪七八百人現竄至
成畧交界之白楊埡等處查該匪人數本已無
多有長麟同蕭福祿并將弁兵勇緊追自不至
延蔓但該匪已竄近畧陽或由沔寧向東南竄
逃均未可定臣已飛飭在黃官嶺防守之革任
總兵德忠察探賊蹤與長麟夾擊再德楞泰聞
自過江以後疊獲勝仗餘匪被剿四散德楞泰

尚在安康洵陽漢陰地界剿辦臣前經派令慶

成帶兵赴寧陝五郎關一帶截擊茲據報聞德

楞泰所剿各賊內有由漢陰之龍王溝鐵爐壩

昌坪竄逃之信慶成現已馳往自必探明迎頭

剿辦或與德楞泰併力截擊並據洵陽縣嚴如

煜稟報陳朝觀股匪經德楞泰於白河地界剿

殺後該首逆逃至洵陽經該縣裕忻寨寨民捉

獲正欲解送間有賊衆前來將該寨圍住該寨
民等恐有疎失遂將陳朝觀殺死已將首級解
縣復有張古寨寨民拏獲賊匪陳朝榮一名訊
係陳朝觀堂弟遂將首級令其辨認屬實臣查
此一帶地方修築堡寨事宜已將完竣當此賊
匪分竄之際各該寨民如能協力搜捕各該匪
更不能漏網臣現在確查如果首逆陳朝觀被

殺屬實卽當分別優加獎賞以示鼓勵再此次
楊遇春等一路有侍衛墨新頸帶矛傷不重兵
勇亦傷亡數名容另查明咨部辦理

額勒登保又奏言查副都統額勒亨額向於紫
陽瓦房店一帶領兵防堵該員屢受濕潮染患
傷寒病症始猶勉強支持乃傷寒未愈於四月

初間復轉痢疾臣於接信後卽囑該副都統將

所領官兵交與原帶之侍衛常玉色布慶額等
管領協同江陵防堵卽赴紫陽縣城延醫訓治
茲_臣行抵紫陽據該副都統差弁稟稱調養月
餘不惟未能卽愈且因舊時痔漏復發卧病不

起_臣就近差人前往看視該副都統病勢旣未

減退而痔疾又復舉發身軀羸瘦動履維艱_臣

前見額勒亨額本屬單弱今因積受暑寒成疾

卽上緊調治亦非數月之久不能就痊可否仰

懇

天恩俯念額勒亨額帶兵已久准令緩程回京調養

俟病痊再行赴任再查鑲黃旗副護軍叅領長

勝保原有腿患潮濕筋縮不舒之症近復麻木

不仁數月調治不能就愈又吉林佐領巴圖魯

德林保在營五年積勞成疾氣體尪瘦已成瘡

隔查該二員於未經患病以前帶兵剿賊均各
奮勉著有勤勞應一併懇

恩准令回京及本處安心調治如可就痊再令照舊
當差倘蒙

俞允現在軍營尙有患病應行遣回吉林兵丁併卽
令德林保帶回原處均奏入

上命軍機大臣傳諭額勒登保曰此次冉學勝股匪

由石泉東竄經額勒登保派楊遇春札克塔爾等
帶兵緊躡在天池山地方殺賊三百餘人該匪由
木蓮橋硎河分竄現在趕緊追剿所辦尙好冉逆
股匪經兵勇屢次殲斃勢已窮蹙目下陝省堡寨
俱已次第建築該匪等無可裹掠或又思乘間竄
往楚豫額勒登保已飭楊遇春等緊跟前進惟當
顧住東面逼向西南現在德楞泰剿辦徐添德一

股連獲勝仗亦已逼迤漢南由西鄉之深溪河一帶進發距額勒登保大營不遠聲勢聯絡更可收兩面夾擊之效至額勒登保奏現在金山梁駐營所帶官兵不多卽將就近防堵之兵調用等語陝省留防兵丁節經額勒登保等奏稱分段設卡派員堵禦及至設卡之後而賊匪往來奔突仍復自如從未見有留防兵丁堵禦賊匪之事是防兵之

有名無實已可概見與其將有用之兵置之閒地
莫若酌量撤回歸入戰兵以資剿賊之用但臨時
調用究不若將防守可撤者悉令隨營多多益善
並可更番休息至額勒登保奏將吉林患病兵丁
遣回一節自應如此辦理朕於各路征兵時深慮
念不獨吉林索倫勁旅當加愛惜卽由京派去之
滿洲各省駐防及綠營官兵久歷戎行同殷敵愾

豈容稍有歧視自應一體量爲減撤遣歸以示體卹且簡其精銳正所以振作士氣並非爲節省錢

糧起見額勒登保接奉此旨卽轉飭各路軍營查現在傷病兵丁不能卽時調愈者及兄弟數人同時出征中有一二傷亡而其家更無弟兄者著先行撤歸俾人知感勵若假稱患病或受傷本輕而衰點情節以爲不能卽時調愈又家中本尙有餘

丁而捏報已無弟兄者亦須確切查明如有此等
情弊必當重治其罪現在天氣暑熱賊匪等奔走
自形疲憊官兵正可趁此機會上緊掩殺斷不可
予賊以暇雖盛暑行軍朕亦不忍過於催促但當
此剿捕喫緊之際若稍有遲緩必致多延時日轉
瞬卽屆秋冬官兵久勞於外何如及早蕝事凱旋
休暇乎况用兵日久不但被賊地方生靈荼毒卽

官兵得有勝仗亦不免間有傷亡其節年殲斃賊
匪雖係罪由自取而慘殺亦屬可矜朕每念及此
寢饋靡寧刻深憫惻帶兵大員當仰體朕懷同心
併力迅勉圖功及早蕝事計此時賊股漸已稀少
果能將兵力合併斷無不能殲賊淨盡之理帶兵
大員等總當共矢天良互爲策應剿捕有功朕必
立加恩獎卽如前日德楞泰逼剿徐樊二逆經劉

之仁雜昂帶兵從山內突出殺賊多名該匪等不
能竄入南山而慶成復帶兵迎頭截擊多有斬獲
此次勝仗自屬慶成劉之仁雜昂之功朕是以將
伊三人交部議敘而德楞泰轉未加優獎可見有
功必錄無論何人出力朕從不靳恩賞當此功屆
垂成不可稍存觀望也又據摺內稱伍懷志一股
賊匪經穆克登布等在魯家岩磨房溝一帶連次

接仗殲斃賊匪四百餘名所剩餘匪無多再得一
二勝仗即可剿竣等語額勒登保務須飭令穆克
登布迅速掃蕩勿再稽延至高二一餘匪昨據長麟
奏已逼過川省廣元縣境長麟咨會勒保派兵接
辦伊卽帶兵前赴漢中業經降旨令額勒登保派
委妥員管領長麟原帶之兵以便該督馳回辦理
地方及善後事宜額勒登保接奉後卽可遵照辦

理又昨據德楞泰奏已將賊匪逼過漢南所剩餘
匪不過千餘人勢已殘敗向觀音河地方一帶游
奕已責成劉之仁雒昂搜捕其拏獲首逆陳朝觀
李順安之寨首等及洵陽縣嚴如煜亦已降旨加
恩額勒登保自尙未接到此信其龍紹周股匪現
據奏慶溥馬玉魁在入道河地方斃賊百餘人又
板廟子等處尙有王姓曾姓等零股出沒本年湖

北歲收豐稔難保該匪等不東竄掠食現在長齡
明亮在陝楚之邊界額勒登保尤當飭令慶溥等

卽在陝境剿淨不可任其東趨又據奏額勒亨額

及副護軍叅領長勝保吉林佐領德林保等俱係

患病一時不能卽愈等語額勒亨額著准其回京

調養其所領官兵卽著額勒登保酌派妥員接管

長勝保德林保俱准其各回本任調治所有軍營

患病應行遣回之吉林兵丁卽令德林保帶回原處以示體卹

二十一日丙申陸有仁奏言查汧陽縣武振關等

聚衆抗官一案臣先據署寶雞縣李承道稟稱

訪聞縣屬匪徒楊生齊王延楊居等有與甘肅

靈臺縣人車舉鼎糾衆謀逆之事當經該縣帶

領壯勇將王延楊居立時擒獲並首逆楊生齊

及夥黨等二十五名因壯勇圍攻窰洞卽自行
放火燒斃臣當卽飛提究辦彼時尙未知汧陽

亦有匪徒滋事之信旋接督臣長麟來札內稱
汧陽有悄悄會武振關等謀逆經該縣祝大澄
挑帶壯勇馳往先將首逆武振關擒獲該逆之
子武克祥率衆搶奪藩司王文湧帶領鄉勇前
往擒捕因衆寡不敵鄉勇間有傷亡隨經副將

蕭福祿帶兵趕到將該匪四面圍裏殲斃一千
餘名滾崖跌斃者三四百人生擒一千二百九

十餘人並無一名漏網臣彼時因鳳翔所屬雖

聞有悄悄會名目而歷來安靜營生並無不法

形迹卽現在謀逆尙在未行若云有應賊之事

何以不於從前大股賊匪經過時往投而轉欲

歸附冉逆零股恐其中另有別情一面密札在

竇雞續委審辦之道員台斐音知府崇祿等密
查稟覆嗣據先後覆稱武振關車舉鼎等實係
謀逆於王文湧前往擒捕時曾殺傷鄉勇並搶
去過山鳥五尊而於賊數實有若干蕭福祿兵
到如何剿辦亦未能確鑿指出臣復留心密加
訪查此案武振關車舉鼎聚衆抗官殺勇俱係
實情卽該逆等到案時亦自認不諱惟問當時

上山之人除糾邀夥黨外其餘並非盡屬會匪
有本係良民猝被逼脅者有誑令赴山避賊因
而強使入夥者迨蕭福祿帶兵趕到倉猝之際
遂致多有駢誅然彼時斬擒跌斃之人實亦無
二千七百之衆蕭福祿未免張大其詞長麟並
未親赴該處一按此稟卽據以入

告旣經具奏自須一手辦理較爲盡一是以未經移

交臣處審訊此節次查明之實在情形也臣思

此案聚眾抗官本非虛假惟蕭福祿當帶領大
兵攻圍武家半山之時若明白宣諭有能獻首
逆及黥匪者免罪抑或於剿捕之際令被脅之
人悉行伏地投首均可免死則所全者尙多乃
因下手甚易概行殺戮殊覺過於張皇至其時
冉逆一股賊匪長麟本未經追及因聞有汧陽

之事卽帶兵由鳳縣折回寶雞查辦屬實奏入
上諭內閣曰前因長麟派令蕭福祿搜捕汧陽悄悄
會一案辦理尙爲迅速是以降旨將長麟交部議

敘蕭福祿照軍功例加三級朕因風聞長麟查辦
此案多有不實尙未發行及細加訪查緣汧陽武
振關等設立悄悄會名目聚衆謀逆該縣祝大澄
帶勇馳往將首逆武振關擒獲該逆之子武克祥

率衆搶奪藩司王文湧帶領鄉勇前往擒捕隨經
蕭福祿帶兵趕到將該匪四面圍裹殲斃及生擒
者二千數百人無一名漏網其中有本係良民及
赴山避賊猝被逼脅入夥者蕭福祿因同聚山上
槩事駢誅復張大其詞虛報邀功長麟卽據以入
告旋一手辦結並未移交陸有仁審辦武振闕等
糾衆滋事竟敢搶奪獲犯殺傷鄉勇其謀逆已屬

顯然但該處民人避賊被脅者並非盡屬會匪彼
時長麟若親身前往查辦自當明白宣諭該處民
人令其縛獻首逆或自行投出則所全必多乃蕭
福祿辦理粗率又復貪功遂至波及無辜駢首就
戮若云長麟竟毫無聞見其誰信之總由蕭福祿
係長麟素所倚任之人派令帶兵剿辦伊旣鹵莽
從事而長麟亦遂曲意包容並未將蕭福祿辦理

草率之處據實叅奏又復迴護前奏自行審辦完
結幸長麟前次奏報此案時朕因蕭福祿誅戮過
多恐有株累特降恩旨除將首逆武振關等家屬
緣坐外其餘槩免緣坐旋聞此旨到陝宣讀時該
省正在望雨立時普霈甘霖民情大槩可見朕施
仁宥罪實爲上合

天心蕭福祿之草菅民命長麟之徇隱不奏豈可因其

殄除起事賊匪加之甄敘所有長麟加級紀錄之處著無庸給予蕭福祿除不隹加級外著降爲叅將交與額勒登保軍營差遣委用以觀後效

同日陸有仁奏言竊照各路軍營臨陣解散及各處隨時逃出難民屢奉

恩旨妥爲安置原以解散賊黨撫輯善良臣節次欽

遵嚴飭各屬於難民到案時務須分別妥爲辦

理如新被裹脅旋卽逃散實有家業可歸者酌

給盤費路票護送寧以共無家可歸之人卽將

查出叛產分撥安插工婦女老弱原本有家因

相隔路遠必須闢查其屬承領者卽撥給房間

或搭蓋棚廠按日給予口糧以俟領取數月以

來各屬遵照辦理尙無錯悞乃臣接到德楞泰

來札內稱前在白河縣屬之蔣家梁等處痛殲

賊匪生擒男婦九百餘名訊出被裹難民朱有
如陳晏氏等三百餘名口當卽解交白河縣分
別遞籍安插詎署白河縣知縣阿齡阿並未將
收到難民實有若干距籍較遠者如何資送籍
隸該縣者如何安插之處詳悉聲覆並風聞該
縣書役等有將難民中婦女五十餘口各自分
散之外餘皆鬻賣等情

臣

接閱之下不勝駭異

正在嚴查究辦間適該署縣阿齡阿稟稱奉叅
贊大營發到難民男婦大小三百九名口除訊
明有家業可歸之卽縣洵陽安康等處難民二
百餘人俱經酌給盤費僉差兵役護送各回原
籍並籍隸縣屬之五十餘名當卽釋放寧家外
此內有無籍難民男婦三十五名口已將男丁
精壯者挑入署內充當水火夫其婦女無歸者

已在縣城擇人婚配等語

臣

閱之尤爲憤懣查

此等無知婦女一時被裹失迷該縣自應遵照

節次札飭撥與房屋散給口糧以待其父母夫

男尋覓承認卽或其家實無親屬日久無人承

領應稟明上司酌籌安頓乃該署縣竟槩令於

本城婚配設其父母夫男尋至將復如何辦理

兼恐該署縣實有縱容書役將婦女分散鬻賣

情事當此剗撫兼施喫緊之時凡屬難民尤應
加意妥辦該署縣膽敢任意妄爲若不嚴行叅
辦何以肅吏治而示創懲相應請

旨將署白河縣候補通判阿齡阿先行革職

臣

已一

面飛飭現在興安辦理結寨之候補道李翮馳
往白河嚴查實在情形據實稟覆並令就近委
員將阿齡阿押解漢中以憑嚴審定擬具奏奏

入

上諭內閣曰陸有仁叅奏辦理安插難民任意妄爲
之知縣阿齡阿請旨革番所辦甚是陝省被賊地
方無辜良民遭賊慘毒朕心已深憫惻其被裹難
民不甘從賊或臨陣解散或隨時逃出正當設法
收恤以散賊黨而輯善良曾經屢降諭旨令地方
官妥籌安插况當此功屆垂成剿撫兼施之際尤

應加意經理毋令一人失所今署白河縣知縣阿齡阿接收叅贊大營發到難民將無籍可歸之精壯男丁等挑入署內充當水火夫或係暫時權宜辦理給與工食俾資餬口尙屬可行至無歸婦女一時被裹失迷自應酌撥房屋散給口糧以待其親屬承認卽實在日久無人承領亦應設法酌籌妥辦乃該署縣竟在本城擇人婚配實出情理之

外此等婦女於擇配後有伊親屬尋至又將如何
辦理並恐該署縣實有縱容書役將婦女私行留
用及分散鬻賣情事或竟知情分肥尤不可不嚴
行究辦所有署白河縣知縣阿齡阿卽著革職交
陸有仁切實嚴究如果該革令及書役等有私留
婦女並通同得贓情事卽當一面奏聞一面在該
處正法卽訊無此等情弊亦應將該革令及書役

等定擬具奏

臣等謹案易言神武不殺蓋聖人不得已而

用兵惟一念好生之仁以主宰而綱維所由

迓天和而感人速也我

皇上籌辦軍書

慈祥煦育尺一所頒

恩如燾冒特以餘氛未經淨洗歲績稍稍稽

憫念瘡痍刻縈

宵旰昨因額勒登保奏遣回吉林患病兵丁一節

諭及將士久役從征之苦衝鋒陷陣之不免傷亡

申誠帶兵大員速圖凱旋休暇至剿辦汧陽會匪時

早蒙

聖明鑒宥免餘黨緣坐之罪

綸音降日甘澍隨霑今

勅查明確以蕭福祿誅戮過多在遷示罰而於署知
縣阿齡阿擅將難民婦女擇人婚配當奉

嚴旨褫職逮鞫仰見

仁心爲質時措咸宜

雷霆之教無非

雨露之恩矣